

# ::: خَلِيكُ أُسْد :::

- ٣ .....!! مش قايلا ادر !! <
- ٢٧ .....!! مفيش فايده !! <
- ٦٠ .....!! هتشهد عليك !! <

جمع وترتيب

/

رقم الإيداع  
٢٠١٠/١٥٥٣٧

دار النعيم  
للنشر والتوزيع  
٠١٠٣٤١٨٧٨٤



**أحمد:** ههههههههه .. عنده حق والله..

البنات بقوا مشكلة صعبة فعلاً ..

**هاني:** بص يا أحمد .. مفيش مشكلة غير وليها حل .. أنا معاك في إن الواحد لو نازل الكلية أو الشارع دلوقتي كأنه نازل معركة فعلاً ..!!

« الواحد بيبقى في جهاد رهيب مع النفس في غض البصر .. وزى ما أنت قولت إن كل المناطق وفي كل الأوقات دلوقتي الدنيا بقت ملغمة ..!!

والصيف داخل .. والبنات مضيعين العملية خاااالص!! وكده كده مش فارق معاهم صيف ولا شتا !!!

والنت موجود .. بل احتمال أسعاره ترخص كمان ويبقى ليك خط لوحدك في البيت !!

وكذلك الدش والموبايلات والمجلات والإعلانات وغيره ..!! يعني البنات في كل مكان ..!!

**« للأسف .. هو ده الواقع .. وصعب جداً تغيره ..! »**

**فالأسهل .. إنك إنت اللي تتغير !**

**هاني:** لسه زى ما إنت ..!!

مش ناوي تبطل بص لبنات الناس بقى ..؟؟؟؟

يا أخي كما تدين تُدان ..!!

**أحمد:** أولاً .. أنا معنديش إخوات بنات ..

ثانياً .. فهمني هما ببيجوا الكلية ولا بسين كده ليه ؟؟

أكيد علشان نبص عليهم طبعاً .. ده حتى بيفرحوا أوي

لما بيلاقوا حد بيبيص عليهم .. ترضى إننا منفرحهمش؟

**هاني:** أيوه أرضى ، ويلا يا فالج نقوم من هنا نقعد في

حثة تانية .. علشان عايز أتكلم معاك بجد شوية ..

**أحمد:** يا هاني متحاولش معايا .. موضوع البنات ده

في دمي ، ملهوش حل ، أنا حولت كتير بس مقدرتش !

الواحد لو غض بصره عن الأولى والثانية والثالثة ،

مش هيقدر يغض بصره عن الألف ..!

ده الواحد بيتكعبل فيهم دلوقتي ..!!

**هاني :** فكرتتى بكلمة للدكتور حازم شومان عن بعض

البنات ؛ بيقول : ( البنات تخليك ماشى في الشارع ،

ولو كحيت جنبها تقولك لو مكنتش تحلف ) .. هههههه



**المرحلة الأولى :** البداية بنظرة عادية ، النظرة دي لما تروح للقلب وتدخل فيه ، القلب بيعلقها على الجدار عنده ، وبعدين الثانية يعلقها والثالثة والرابعة وهكذا.. لغاية لما يدخل الإنسان في **المرحلة الثانية** ؛ وهي التفكير في الصور دي وإستحضارها كل شوية.. وبعدين **المرحلة الثالثة** ؛ إنك تطلق بصرك الإطلاق النهائي ؛ بمعنى التتبع ، يعني عينك على البنات في كل مكان، في الشارع، في التلفزيون، على النت.. الخ

◀ وتبقى إنت خلاص كده وصلت على أعتاب **المرحلة النهائية** ؛ وهي الزنا عياداً بالله !!

تبتدي تصاحب بنات وتروح هنا وهناك وكل فكرك في الزنا .. اللي هتقع فيه في نهاية المطاف !!

## والبداية كانت بنظرة !!

◀ وزي ما قولتلك .. الشيطان عمره ما هيقولك روح إزني مرة واحدة ..! لأن هو ده أسلوب الشيطان في التدرج .. يجيبك خطوة خطوة ..!

◀ الزنا عمره ما هيحصل مرة واحدة ! البداية بتبقى من النظر للحرام .. الشيطان يغرز سهام إطلاق البصر في القلب لحد ما ينزع منه خشية الله والحياء من الله سبحانه وتعالى .. وبعدين يوقع صاحب إطلاق البصر في جريمة الزنا والعياذ بالله ..!!

## ◀ يعني إوعى نسنقل بنظرة ..!!

دي سهم مسموم بيدخل على قلبك يقعد يقطع فيه !

## ◀ إوعى نقول دي نظرة وهنعدي ..!!

هي البداية كده.. الحريق بيبدأ بشرارة !

◀ وكلنا والحمد لله لما بنسمع عن معصية الزنا ، تشمئز أنفسنا .. وعمرنا مانفكر في المعصية دي..! أحسبك على خير ولا أزكي على الله أحد..

▶ هل ترضي لنفسك إنها تحوم حول المعصية دي؟؟

أو بمعنى أقرب إنك تخبط على باب المعصية دي؟؟

◀ كل نظرة حرام كأنك بتدق دقة على باب الزنا ..









◀ ونصح رسول الله ﷺ سيدنا علي ذات يوم فقال :  
**[ يا علي، لا تتبع النظرة النظرة ؛ فإن لك الأولى  
 وليست لك الآخرة ]**

◀ وده مش معناه إنك تقعد تبص ربع ساعة وتقول  
 دي النظرة الأولى !! إنت هتضحك على مين ؟؟  
 ◀ ولازم تعرف إن الشيطان مش هيسيبك !!

### → الشيطان مش هيسيبك !!

هيقعد يقولك بص يا عم علشان تعرف تختار عروسة !  
 بص يا عم وتأمل في الجمال وقول سبحان الله !!  
 بص يا عم دول إخوانك في الإسلام مش حد غريب !  
 بص يا عم دول محجبات ومفيش حاجة منهم ظاهرة !  
 ◀ الشيطان مش هيسيبك ؛ لأنه عارف إن المرأة  
 أقوى سلاح ممكن يستخدمه في إغواءك ..

قال رسول الله ﷺ : **( ما تركت بعدي فتنة أضر على  
 الرجال من النساء )** متفق عليه.

**أحمد:** طيب أنا دلوقتي أعمل إيه ..؟؟؟  
 أغمّي عيني وأنا خارج وأجيب واحد يسحبني ..؟؟  
 ولا أقعد في بيتنا ومخرجش خالص ؟؟

### أعمل إيه بالضبط ؟؟؟! شوفلي حل ؟؟؟

ما هو الواحد دلوقتي لو رفع عينيه يمين أو شمال  
 هيلاقى بلاوي سودا !!

**هانى:** لا تغمّي عينك ولا حاجة..الموضوع أبسط من  
 كده إن شاء الله ..إنت هتعيش طبيعي جداً ..وأول ما  
 عينك تقع على واحدة في أي مكان هتغض بصرك..  
**أحمد:** طيب والمرة الأولى اللي أنا شوفتها فيها ،  
 دي هتتسبب إيه ؟؟

**هانى:** دي مش هتتسبب عليك لأنها غصب عنك..  
 دي اسمها نظرة الفجأة ..

◀◀ **[ عن جرير رضي الله عنه قال سألت النبي ﷺ  
 عن نظر الفجاءة ، فقال : إصرف بصرك ]**

و عليك بوصية النبي ﷺ :

**( يا معشر الشباب من استطاع منكم الباءة فليتزوج فإنه أغض للبصر وأحصن للفرج ، ومن لم يستطع فعليه بالصوم فإنه له وجاء )** متفق عليه

« وطبعاً هتقولني إنك مش مستطيع تتزوج ، هقولك يبقى عليك بالصوم ، هتاخذ ثواب الصيام وهتستعين به على غض البصر ! شوف حديث النبي ﷺ :

**( ما من عبد يصوم يوماً في سبيل الله إلا باعد الله بذلك اليوم وجهه عن النار سبعين خريفاً )** متفق عليه

**أحمد:** بس أنا جربت الصيام وبرده مفيش نتيجة؟! هاني: داوم على الصيام يا أحمد .. وإصبر .. ولازم تعرف إنه مش هيطفي نار الشهوة في قلبك غير دموع الخشية والخوف من الله .. لازم تتيقن إن ربنا شايفك ومطلع على قلبك .. قال الله تعالى :

**(يَعْلَمُ خَائِنَةَ الْأَعْيُنِ وَمَا تُخْفِي الصُّدُورُ)** غافر: ١٩

وطالما عرفت إن ربنا مطلع عليك ؛ يبقى تستحي منه وفي نفس الوقت تخاف من عقابه في الدنيا والآخرة ..

« مش هيسيبك ؛ لأنه عارف إن نظرة واحدة ممكن تخلي قلبك يولع وتبقى لا عارف تصلي ولا تقرأ قرآن ولا عارف تعمل أي حاجة ..!!

« النظره سهم مسموم من سهام إبليس ، يسم قلبك وإنت مش داري ، ومجرد ما السم يدخل في القلب ؛ تيجي تتدخل تصلي ماتلاقيش قلب !! الناس قاعدة تبكي وأنت مش لاقى قلبك!! تجيبه شمال، تجيبه يمين تعمل أي حاجة علشان يتحرك ، مفيش فايده !!

« قال رسول الله ﷺ : **( الإثم حوَّاز القلوب، وما من نظرة إلا وللشيطان فيها مطمع )** صححه الألباني

« يعني الشيطان نفسه بس في نظرة منك لواحدة ، وهو هيقوم بالباقي ويشوف شغله بعد كده مع قلبك !! **أحمد:** أعوذ بالله من الشيطان الرجيم ..

الشيطان ده مش هيسيبنا غير لما يودينا في داهية ! هاني: طبعاً .. هو وراه حد غيرنا !!!

علشان كده لازم نقفل جميع الأبواب اللي هيدخلنا منها

« وكمان غض البصر وسيلة لضمان الجنة ..

قال رسول الله ﷺ : ( إضمنوا لي ستاً من أنفسكم أضمن لكم الجنة ؛ أصدقوا إذا حدثتم ، وأوفوا إذا وعدتم، وأدوا الأمانة إذا إئتمنتم ، وأحفظوا فروجكم

، **و غضوا أبصاركم** ، وكفوا أيديكم ) صححه الألباني

♥ هتيجي على نفسك شوية .. وهنتعب شوية في الأول .. بس إن شاء الله هتلاقي الراحة في الدنيا والآخرة بعد كده ..

❦ وخليك فاكر كويس قول الله تعالى :

(وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا وَإِنَّ اللَّهَ لَمَعَ

الْمُحْسِنِينَ) العنكبوت: ٦٩

« لو ربنا اطلع على قلبك وعلم إنك فعلاً عايز تغض بصرك وبتجاهد نفسك وعندك نية صادقة ؛ هيهديك ويقويك ويعينك وهيصرف عنك كيد الشيطان والنفس الأمارة بالسوء ..

❦ في الدنيا ممكن يسحب منك نعمة البصر!!

وفي الآخرة الله أعلم هيحصلك إيه !!

« لازم تخاف من ذنوبك ومعاصيك ومتعتقدش إنها صغائر وحاجات تافهة ومش هتضرك ..

قال رسول الله ﷺ : ( إياكم ومحقرات الذنوب فإنهن **يجتمعن على الرجل حتى يهلكنه** ) صححه الألباني

« وعلشان تخاف؛ لازم تعرف إنت بتعصي مين ??? لازم تعرف قدر ربنا ومقامه ..

« **لا تنظر إلى صغر المعصية ..**

**ولكن أنظر إلى عظمة من عصيت ..!!**

« وللازم تعرف إن غض البصر وسيلة للنجاة في الآخرة والهروب من النار .. قال رسول الله ﷺ :

(ثلاثة لا ترى أعينهم النار يوم القيامة ؛ عين بكت من خشية الله ، وعين حرست في سبيل الله ، **وعين غضت عن محارم الله** ) صححه الألباني

## مفيش فايدة !!!

**محمود:** أنا تعبناaaaaaaaaaaaaaaaان ..محدث حاسس بيا !!  
 محدش حاسس أنا جوايا ايه .. !! جوايا ناناaaaaaaaaaaaaار ..  
 أنا مش طايق أي حاجة في حياتي!  
 لو مش عارف إن اللي بينتحر له عذاب عظيم كنت  
 إنتحرت من زمااااان ، أنا .....  
 هنعيشها صح : إنت ايه بس يا عم ...!!!  
 إهدى كده علشان نعرف نتكلم ..  
**محمود:** أهدى إزاي بس !؟؟!  
 مش بقولك إنت مش حاسس بيا !  
 هنعيشها صح : مين اللي قال كده بس...!؟؟!  
 حاسس بيك والله .. وكلنا مرينا بفترات زي دي  
 وأصعب كمان .. وعدت بفضل الله ..  
**محمود:** دي مش فترة ..أنا بقالي سنينبيبيبيبيبيبي ومفيش  
 ذرة تقدم في حياتي ...!!!

✎ ارفع إيدك وقول يا رب ..

وتأكد إنه سبحانه وتعالى سميع قريب مجيب الدعاء ..

♥ قال الله تعالى :

( وَقَالَ رَبُّكُمْ ادْعُونِي أَسْتَجِبْ لَكُمْ ) غافر: ٦٠

♥ وقال النبي ﷺ :

( إن الله تعالى حيي كريم يستحي إذا رفع الرجل إليه

يديه أن يردهما صفراً خائبتين ) صححه الألباني

◀ يلا نغض أبصارنا ونحفظ قلوبنا طاهرة نقية

ونعيش أحلى حياة ..

أحلى حياة في طاعة الله

www.goodwayinlife.com





وعلى فكرة ؛ الميل ده مش لازم يكون شهوة بس ،  
وقصدي بـ"شهوة" هنا يعني الجنس .. لكن الميل  
العاطفي برده ليه دور.. ودور كبير كمان ؛ فالميل  
اللي بين الولد والبنت أو الرجل والمرأة ، ماينفعلش  
إننا نمنعه أو نقضي عليه ..!

### ده مش حل ..!!

« وانت عارف إن ديننا الإسلام دين الوسطية..  
بيتعامل مع إحتياجات الإنسان وشهواته المعاملة  
الصحيحة .. لأن ربنا سبحانه وتعالى خبير بشؤوننا..  
فهو أعلم بحالنا وأعلم بمصلحتنا.. وبالتالي الإسلام  
جاء مش بيقضي على الميل الفطري ده ؛ لكن بيوجهه  
في الإتجاه الصحيح ..

« يعني مش صح إن الواحد يقضي شهواته زي ما  
هو عايز، ولا صح يكتبها تماماً .. لكن ربنا سبحانه  
وتعالى جعل للشهوة دي مُتنفس شرعي اللي هو  
الزواج ..

► قال رسول الله ﷺ : ( إن الله يبسط يده بالليل  
ليتوب مسيء النهار ويبسط يده بالنهار ليتوب  
مسيء الليل حتى تطلع الشمس من مغربها ) رواه مسلم  
◀ إوعى مهما عملت الشيطان بيأسك من رحمة ربنا!

قال الله تعالى : ( قُلْ يَا عِبَادِيَ الَّذِينَ أَسْرَفُوا عَلَى  
أَنْفُسِهِمْ لَا تَقْنَطُوا مِنْ رَحْمَةِ اللَّهِ إِنَّ اللَّهَ يَغْفِرُ  
الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ ) الزمر: ٥٣

□ **ثانياً :** تعالى نشوف المشكلة دي من كذا جانب..

« لو جينا نتكلم عن فتنة النساء عموماً..

فتنة النساء دي شهوة..ومش لازم كلمة شهوة يعني  
شهوة جنسية..إنت عندك الأكل والشرب شهوة..  
والنوم شهوة.. وكذلك شهوة النساء ..  
شهوة يعني حاجة الإنسان بيشتتها ..

- ربنا سبحانه وتعالى خلق الإنسان نوعين ذكر وأنثى  
وخلق في كل نوع منهم ميل فطري تجاه النوع الثاني

## يا نرى إيه السبب؟؟

«الأول»: لازم تعرف إن زى ما الرسول ﷺ قال إن كلنا خطائين وبنعمل ذنوب ( إن ابن آدم خلق مُفْتَنًا تواباً نسياً إذا ذكر تذكر ) ..  
يعني الإنسان لو حد ذكره بيتذكر ..التذكرة دي موجودة بفضل الله زى ما إنت قولت إنك بتقرأ وبتسمع مواعظ وخطب بس مش بتجيب نتيجة؟؟ ليه؟  
علشان مفيش تطبيق على أرض الواقع ..!

## إزاي؟؟

«» يعني لو إنت بتتفرج على مواقع على النت ، لازم تحط برنامج مانع للمواقع دي ، وفيه برامج كثير بتعمل كده ..إنت بقى محطيتش ..عايز تبطل إزاي؟  
بالكلمتين اللي سمعتهم في الخطب؟؟  
مش هينفع طبعاً ..لازم خطوات عملية ..

**محمود:** متهيألي مش محتاج أقولك إن ظروفى ماتسمحش بالزواج دلوقتى ..

**هنعيشها صح:** عارف .. أنا بس بأتناقش معاك علشان نوضح جوانب المشكلة ..

« علشان كده عايزك تفهم إننا مش بنفكر في طريقة للقضاء على الشهوة قضاء نهائي ونعيش مرتاحين وآخر حلاوة .. لكن الموضوع كله صبر وجهاد من أوله لآخره ..!

مفيش حل كده بسيط .. ! مش دوا هتاخده يخليك تبطل نظر للنساء ولا تبطل إنجذاب ليهم ..!!

**محمود:** جميل .. وأنا يا سيدي مشكلتي إني والله بجاهد نفسي .. بس دايمًا ، أو نقول غالباً عشان أبقى صادق ، أقع وأرجع تاني زي الأول وأسوأ ..!!

**هنعيشها صح :** شوف يا سيدي .. إنت قولتلي إنك قريت كثير وسمعت شيوخ كثير ؛ ولكن بتتأثر شوية وبعدين بترجع تاني ، وممكن ترجع للأسوأ كمان ..

فيه من الصور والأفلام والمواقف ما يكفيه إنه يرجع تاني للضياع...!!!

## إذاً الحل .. إنه يبدأ بقلبه الأول ..

طبعاً مع غض البصر وبقية الخطوات العملية .. بس لازم ينضف قلبه الأول ويطهره علشان يقدر يغير حياته فعلاً..

### « التخلية قبل التحلية يا محمود..»

زي اللي يجيب كوباية مش نضيفة وعايز يشرب فيها مش كفاية إن المية تكون نضيفة لوحدها .. لازم الكوباية نفسها - الوعاء اللي هتتحط فيه الميه - تكون نضيفة هي كمان ..!

♥ وكذلك القلب .. قلبك لازم يكون طاهر علشان يستقبل كلام الله عز وجل ويستشعره ويعيه وينفذه .. لازم تطهر قلبك الأول يا محمود..

**محمود:** بس أنا بحاول أغض بصري بس مش بقدر! هنعيشها صح: ما هو ده علشان إنت بتحاول تغض بصرك وإنت أصلاً مخك مليون صور..!  
هتغضه إزاي وإنت قلبك متشرب الصور دي..؟؟

**محمود:** يعني إيه ؟

هنعيشها صح: يعني انت كده بتعالج العرض ، مش بتعالج المرض نفسه..!

غض البصر مهم جداً طبعاً .. وأمر من الله عز وجل لازم نلتزم بيه.. بس ماينفحش تبقى الحاجة الوحيدة اللي تعملها هي غض البصر وتفتكر إن ده هيخلصك من مشكلة الأفلام والمواقع والعادة السيئة ..

« تعالى نتكلم عموماً عن واحد غرقان في بحور الشهوات ،وضايح من أوله لآخره..وعايز ينتشل نفسه من اللي هو فيه..هل أول خطوة يعملها غض البصر؟  
« طيب هيغض بصره إزاي وهو قلبه أصلاً في الضيااااع.. ولو غض بصره ، طيب ما قلبه وعقله



**محمود:** طيب وهطهر قلبي إزاي بقى؟؟؟

هنعيشها صح: بحاجات سهلة وبسيطة جداً..

«**تطهره بإدمان الإستغفار..** النبي ﷺ قال :

[ إن العبد إذا أخطأ خطيئة ، نكتت في قلبه نكتة

سوداء ، فإن هو نزع واستغفر وتاب ؛ سَقِلَ قلبه

وإن عاد زيد فيها حتى تعلو على قلبه ] حسنه الألباني

النبي ﷺ يقول : ( فإن هو نزع ) خدت بالك من نزع

دى؟ يعني يفك الأول عن الذنب ، وبعدين؟ ( واستغفر

وتاب سَقِلَ قلبه ) عارف يعنى ايه سَقِلَ ؟ يعنى أثر

المعصية اتمحى والقلب رجع نقي وطاهر من جديد ..

«**تطهره بكثرة ذكر الله والصلاة على حبيبك ﷺ** ..

«**تطهره بقراءة كتاب ربنا وفهم معانيه** ..

«**تطهره بالدعاء والتضرع لربنا** ..

قول يارب مليش غيرك .. يارب إهد قلبي ..

يارب طهر قلبي .. يارب إجعل في قلبي نور ..

يارب ثبت قلبي على الإيمان والتقوى ..

**محمود:** طيب ، هل القلب فعلاً هو البداية الصحيحة ؟

«**هل القلب فعلاً هو الأهم ؟؟**

هنعيشها صح: ربنا سبحانه وتعالى يقول :

( يَوْمَ لَا يَنْفَعُ مَالٌ وَلَا بَنُونَ \* إِلَّا مَنْ أَتَى اللَّهَ

**بِقَلْبٍ سَلِيمٍ** ) الشعراء: ٨٨-٨٩

«**القلب محل نظر الرحمن كما قال النبي ﷺ :**

(إن الله لا ينظر إلى صوركم ولا أموالكم ؛ ولكن ينظر

إلى قلوبكم وأعمالكم ) رواه مسلم

وكمان قال رسول الله ﷺ : ( ألا وإن في الجسد

مضغة إذا صلحت صلح الجسد كله ، وإذا فسدت فسد

الجسد كله ألا وهي **القلب** ) رواه البخاري

«**الناس فاهمة الكلام ده ، لكن للأسف بيستخدموه فى**

**غير موضعه !! يقولك العبرة بالقلب !! مادام ده**

**صافي وزى البفتة البيضاء يبقى كله تمام...!!**

**وطبعاً ده كلام غير صحيح ؛ لأنه لو قلبه أبيض فعلاً**

**وطاهر مكنش هيبقى ده حاله مع ربنا ...!!**

« يعنى إنت واقف يوم القيامة وبتنظر في أعمالك ،  
 لقيت عندك جبالاً حسانات .. وحسانات بيضاء  
 كمان .. صلاة على صيام على صدقة على بر والدين  
 على صلة رحم على حسن خلق على عطف على  
 الفقراء والأيتام .. جبالاً حسانات ..  
 « وإنت واقف وخلص بعد ما شوفت حساناتك  
 وحطيت في بطنك كوم بطيخ إنك برحمة ربنا هتدخل  
 الجنة ..

تبص تلاقي ربنا بيقول : ( وَقَدِمْنَا إِلَى مَا عَمِلُوا مِنْ  
 عَمَلٍ فَجَعَلْنَاهُ هَبَاءً مَنْثُورًا ) الفرقان: ٢٣

« فيبيبين الحسانات؟؟؟؟!!

كله رابح...مفيش ولا حسنة واحدة!!

« ليه كده يارب؟؟

ده أنا كنت بصلي وأصوم وأقرأ قرآن!!!  
 « لأنهم ( إذا خلوا بمحارم الله إنتهكوها )

**محمود:** كلام جميل جداً.. وبعد كده؟؟

**هنعيشها صح :** الحاجة اللي بعد كده هي إنك لازم  
 تعرف خطورة الأفلام والمواقع دي علشان تبعد عنها  
 وتبطل تتفرج عليها ! الموضوع خطيبير !

**محمود:** خطير إزاي بس؟ ما هي زيها زي أي مناظر  
 وصور بنشوفها في كل حطة دلوقتي ! في الشارع أو  
 في التلفزيون أو في السينما.. عادي يعني !

**هنعيشها صح:** لأ يا حبيب قلبي ..مش عادي طبعاً!!

« عن ثوبان رضي الله عنه عن النبي ﷺ أنه قال :

**[ لأعلمن أقواماً من أمتي يأتون يوم القيامة بأعمال  
 أمثال جبال تهامة بيضاء ، فيجعلها الله هباءً منثوراً  
 قال ثوبان يا رسول الله :صفهم لنا جلهم لنا لا نكون  
 منهم ونحن لا نعلم ؟ قال ﷺ :أما إنهم إخوانكم ومن  
 جلدتكم ويأخذون من الليل كما تأخذون ولكنهم قوم  
 إذا خلوا بمحارم الله إنتهكوها ]** صححه الألباني

« إنت عارف الكلام ده يعنى إيه؟؟

► ده أنا عايزك تشوف الحديث المرعب ده كمان ..  
 « قال رسول الله ﷺ : ( إذا عُلمَت الخطيئة في الأرض كان من شهدها فكرها كمن غاب عنها ومن غاب عنها فرضيها كان كمن شهدها ) حسنه الألباني

**عارف يعني إيه الحديث ده ???**

« يعني حبك ومشاهدتك للأفلام دي .. ده معناه إنك راضي عن اللي بيحصل فيها ..  
 متقوليش بتفرج وقلبي بيتقطع ومش راضي ..!  
 إحنا مش هنضحك على بعض! ???  
 ► رضاك بالأفلام دي .. يجعلك كأنك عياداً بالله إنت اللي بتزني بالظبط !! تيجي يوم القيامة تلاقي في صحيفتك مصاااaاااa

**١٠٠ ألف حالة زنا!!!!**

◀ يارب ده أنا عمري ما زنيت ولا مرة ???  
 ◀ بس كنت بنتفرج على الزنا وراضي بكده !

**محمود:** طيب وبعدين .. وبعد ما الحسنات تضيع ??  
**هنعيشها صح:** وبعدين إيه .. ???

مفيش مكان غير النار!! عارف يعني إيه النار!?!?!  
 ► وللأسف.. الإباحية مش بحر ؛ الإباحية محبيبيبيبيط !  
 مش بيطلع حد منه بالساهل!! فيه ناس غرقانة فيه  
 بقالها سنبيبيبيبيبين .. وللأسف منهم متزوجين كمان !!  
 وناس وصلت بيهم الدرجة للجواز العرفي والزنا ..  
 وناس وناس.....مصايب سودا !!  
**محمود:** يعني إيه ?? مفيش فائدة !?!?!?

**هنعيشها صح:** مين قال كده..!?! الأمل موجود ..  
 والإنسان اللي عنده دافع إنه يتغير هيتغير بإذن الله!  
**محمود:** طيب إيه الدافع اللي يخلىني أغير..??  
**هنعيشها صح:** الدوافع كتبيبيبيبيبيبيبير..ومنها :

◀◀ **حياءك من ربنا اللي شايفك ومطلع عليك ..**  
 ◀◀ **خوفك من جهنم وعذاب ربنا ..**  
 ◀◀ **حرصك على حسناتك اللي هتبقى صفر بعد ما**  
**تعبت فيها ..**

**محمود:** أنا أول مرة أعرف الكلام ده ..!

**هنعيشها صح:** هو ده حاجة .. ده لسه مصايب الأفلام دي كتييييييييير ...!!!

انت عارف إنك لو حظيت فيلم أو صورة من الصور دي على النت أو إديتها لصاحبك بالبلوتوث أو في رسالة ميل أو أي طريقة ..

**انت كدة بتأخذ سيئات زي السيئات اللي هو بيأخذها بالضبط ، بالإضافة لسيئاتك !!!**

«يعني لو ١٠٠ واحد أخذها عن طريقك بأي وسيلة هتأخذ سيئات عن ال ١٠٠ دول !!!

لأن الدال على الخير كفاعله ؛ و الدال على الشر برده كفاعله !!!

«لازم تعرف إن طريق الأفلام الإباحية فى الآخرة ملهوش نهاية غير جهنم لو متبتش من الذنب ده...!!! وفي الدنيا :

**الذنب مش هيجيب غير ذنب ثاني !!**

«خد عندك كمان ..

**« اللي بيتفرج على الأفلام دي ربنا هيحشره**

**مع أصحابها يوم القيامة !!!**

«اللي بيدخل على المواقع الإباحية وبيتفرج على الأفلام دي لو مش هيتوب منها ؛ هُيحشر مع الناس دي يوم القيامة !! عارف لبييه؟؟؟

«لأنه بيحبهم ..بيحب الكفار ، الزناة ، اللي بيجهروا بالمعصية..اللي بيتجروا على حدود الله ..!!

وطالما هو بيحبهم ..النبى ﷺ بيقول إبيبيه؟؟  
(المرء مع من أحب) متفق عليه

«واللي بيتفرج عليهم بيحبهم وبيعشقهم ..والدليل إنه بالليل قبل ما ينام أفلام إباحية..والصبح أول ما يقوم

أفلام إباحية ..وبين المرتين أفلام إباحية !!

كل ما يتكلم يقول ده أنا شوفت إمبراح حته فيلم ...!!

ده أنا عندي على الموبايل حته لقطة ...!!

مش إنت حبيتهم؟ هتتحشر معاهم يوم القيامة ..!

**محمود:** قول يا عم الخطوات دي ربنا يباركك ..  
وأوعدك إن شاء الله إني هشتغل بيها على أرض  
الواقع علشان مرجعش للقذارة دي تاني ..  
هنعيشها صح : بص يا سيدي وركز معايا ..

## ( ١ ) إبدأ من دلوقتي ..

« دلوقتي حالاً .. لو عندك أي حاجة من الأفلام دي  
على الموبايل أو على الجهاز إحذفها فوراً، متستناش !!  
كفاية إن ربنا أمهلك لحد دلوقتي علشان تتوب ..  
إوعى تسوّف .. لازم تحذفهم علشان تحقق شرط  
التوبة الأساسي في الإقلاع عن الذنب والندم عليه ..

## ( ٢ ) إسئعن بالله أولاً وأخيراً ..

« أصل مهما حاولت ومهما عملت إنت عبد ضعيف  
ليس لك حول ولا قوة .. لازم تعترف قدام نفسك بكده،  
ولازم تقول يارب، قول يارب مليش غيرك ..

الأفلام هتقلب بعادة سيئة .. شوية شوية عيادا بالله زنا !  
شوية شوية ضياع النخوة وإنتكاس الفطرة ويقلب بزنا  
محارم ... !!! ومصايب وبلاوي محدش يتخيلها !!

« **وعايز أسألك سؤال وتجاوبني بكل صراحة ..**  
« بعد كل الأفلام والصور اللي اتفرجت عليها دي ..

## إسئدت إيه؟؟؟!

**محمود:** مستفدتش أي حاجة .. لذة مؤقتة وبتزول .. !!  
هنعيشها صح : شوفت بقي ؛ مفيش حاجة غير الذنب  
اللي إتسجل عليك ... واللذة راحت وخلص !!  
**محمود:** خلاص بقي متحسرنيش أكثر من اللي أنا فيه!  
بس برده عايز أقولك إن حتى بعد الكلام المرعب  
والرهيب اللي إنت قولته والأحاديث والكلام ده كله ؛  
ممكن برده أنسى الكلام ده وأرجع أتفرج تاني .. !!  
هنعيشها صح: ما هو علشان كده بقولك إنك لازم  
تاخذ خطوات عملية على أرض الواقع علشان تمنع  
نفسك إنك ترجع تاني للمعصية دي !

## ( ٣ ) الصَّحْبَةُ نَمِ الصَّحْبَةُ نَمِ الصَّحْبَةُ ..

◀ دَوْرٌ عَلَى صَحْبَةٍ صَالِحَةٍ .. لِيبِيبِيهِ؟؟

أصل أي شاب غير صالح هتقعد معاه مش وراه غير البنات وسيرتهم ، يا سيرة الأفلام والأغاني ..كله من النوعية دي...!! ومجرد بس ما حد هيفكرك ؛ هتلاقي الشيطان ما صدق وعمال يقلب الشهوة جواك .. وترجع للقرف ده تاني ..!!

النبي ﷺ يقول : ( الرجل على دين خليله ، فليُنظر أحدكم من يخال ) حسنه الألباني

وَإِنَّ لِسَهُ مُصِرٌّ إِنَّكَ تَسْتَمِرُّ مَعَ صَاحِبِكَ ؛ مَعَ إِنَّكَ عَارِفٌ وَمَتَأَكَّدُ إِنَّهُ هَيَسْحَبُ رِجْلَكَ تَانِي لِمَعْصِيَةِ !! وَالسَّبَبُ إِنَّكَ بِتَحِبِّ صَاحِبِكَ !

فَهَلْ حَبَبُكَ لَهُ أَكْبَرُ مِنْ رَغْبَتِكَ فِي الْقُرْبِ مِنْ رَبِّنَا ؟؟؟  
مَشْ قَادِرٌ تَضْحِي بِصَاحِبِكَ عُلْشَانَ مِيزَعُلْشَانَ مِنْكَ وَبِتَضْحِي بِنَفْسِكَ وَتَرْمِيهَا فِي نَارِ جَهَنَّمَ ؟؟؟!!

► ده سيدنا يوسف (عليه السلام) مع إنه نبي ؛ ولكنه إستهان بالله علشان يبعد عنه امرأة العزيز ..

◀ إستهان بالله ودعا ربنا وقال :

( وَإِلَّا تَصْرِفْ عَنِّي كَيْدَهُنَّ أَصْبُ إِلَيْهِنَّ ) يوسف: ٣٣

فربنا إستجابله ونجّاه ..

( فَاسْتَجَابَ لَهُ رَبُّهُ فَصَرَفَ عَنْهُ كَيْدَهُنَّ إِنَّهُ هُوَ السَّمِيعُ

الْعَلِيمُ ) يوسف: ٣٤

♥ **يبقى لازم تقول يارب** وإنت على يقين إنه سبحانه وتعالى شايفك وحاسس بيك .. ولو إنت عندك نية صادقة في التوبة ؛ هيقربك منه ويبعدك عن أي معصية ، لأنه خالقك وهو الوحيد سبحانه وتعالى اللي عالم بضعفك وعلشان كده مش هيضيعك وبإذن الله برحمته هينجيك من المشكلة دي ..

► **بس إنت أصدق مع الله ولو مرة ..!!**

هنعيشها صح: إيه؟؟ إزاي مش وراك حاجة..؟؟؟؟!!  
 فين القرآن اللي قريته إنهارده؟؟ فين الأذكار؟؟  
 فين الإستغفار؟؟ فين مساعدة الوالدين؟؟  
 فين صلة الرحم؟؟ فين سماع الدروس والخطب؟؟  
 حظ لنفسك جدول يومي للطاعات اللي المفروض  
 تعملها ، ولما تخلصه نبقي نتقابل إن شاء الله..!!!!

## ( ٥ ) إبعد البنزين عن النار !!

◀ يعني إيه؟؟ يعني غض بصرك ومتبصش للبنات  
 وحاول تتجنب فتنة النساء لأنها سبب كل البلاوى دي  
 - فى النت..إلغى خاصية إظهار الصور خالص..  
 - فى التليفزيون ..إلغى كل القنوات الغير إسلامية ..

► هتسألني ليه الكلام ده كله..؟؟

◀ خليك فاكّر إنك لازم تقفل الباب بالقفل ..!

لأنك لو سبته مفتوح ولو (سم) واحد ؛ الشيطان مش  
 هيسيبك ، وأي نظرة لأي بنت هنا أو هناك هتقلب  
 عليك المواجه وترجع تقول ياريتي.. !!

◀ قال الله تعالى: ( وَيَوْمَ يَعَضُّ الظَّالِمُ عَلَى يَدَيْهِ يَقُولُ  
 يَا لَيْتَنِي اتَّخَذْتُ مَعَ الرَّسُولِ سَبِيلًا \* يَا وَيْلَتَى لَيْتَنِي لَمْ  
 أَتَّخِذْ فَلَانًا خَلِيلًا \* لَقَدْ أَضَلَّنِي عَنِ الذِّكْرِ بَعْدَ إِذْ  
 جَاءَنِي وَكَانَ الشَّيْطَانُ لِلْإِنْسَانِ خَذُولًا ) الفرقان : ٢٧ - ٢٩  
 فهل إنت مستني تكون في الموقف ده؟ مستني تندم؟؟  
 لحد إمتي هتفضل مع شلة الأنس؟؟؟؟  
 وبعدين ترجع تشتكي إنك مش عارف تتغير !

## ( ٤ ) إشغل نفسك..إياك والفراغ..

◀ إياك..إياك..إياك..إياك..إياك من الفراغ .. !!!  
 عارف مجرد بس ما هتقعد فاضي دقيقة واحدة قدام  
 النت أو حتى مع نفسك .. هتلاقي الشيطان ونفسك  
 الأمانة بالسوء لعبوا بيك كورة..!!  
**محمود:** طيب أشغل وقتي بإيبيبيه..؟؟ أنا برجع من  
 الكلية أو الشغل بقعد فاضي ..مش ورايا أي حاجة !!

**(٧) هتموت!!!!!!**

◀ والله هتموت .. وهتدخل القبر !! وهتتحاسب !!  
إنت مش مصدق...؟؟؟؟!!

وطالما إنت عارف إنك هتموت وهتتحاسب على كل  
حاجة .. يبقى لسه مُصِرّ إنك تعصي ربنا ليبيبيه ؟!!  
▶ للاسف إحنا مش عارفين يعنى ايه نار الأخرة !!

◀ النبي ﷺ يقول : **(ناركم هذه مما يوقد بنو آدم  
جزء واحد من سبعين جزءا من نار جهنم ، قالوا  
والله إن كانت لكافية ، قال إنها فضلت عليها بتسعة  
وستين جزءاً كلهن مثل حرها )** متفق عليه

وقال النبي ﷺ : **[ إن أهل النار ليبيكون حتى لو أجريت  
السفن في دموعهم لجرت ، وإنهم ليبيكون الدم  
( يعني : مكان الدموع ) ]**

**ليه تعرض نفسك للندم في يوم مش هينفع  
فيه الندم ???**

**(٦) حظ برنامج مانع للمواقع الإباحية**

◀◀ فيه برامج كتير لمنع المواقع الإباحية على  
الإنترنت .. وفيه برنامج جميل اسمه أنتي بورن ،  
برنامج ممتاز .. وفيه خواص رهيبيبيبيبية ..  
تقدر تمنع الشات بكل برامج من عليه .. وكمان  
المواقع الإباحية .. وكمان أي موقع مش كويس مش  
عايزه يفتح معاك بتحطه فيه وهو بيمنعه ..  
يعني من الآخر هيسد عنك باب كيبيبيبيبيبير ..

◀◀ وأول ما تصطب النسخة لازم يبقى ده أول  
برنامج تصطبه .. وتقوم كاتب الباسورد في ملف  
تكست وخدها كوبي وببيست في البرنامج ؛ علشان لو  
عرفت الباسورد هتعرف تلغي البرنامج وهيبقى ولا  
كأنك عملت حاجة ..!!



**(٨) الجَنَّةُ..**

◀ أيوه الجنة ..!! إنت عارف ايه هو نعيم الجنة؟؟؟  
 ◀ لازم تسمع دروس وتقرأ عن الجنة علشان تعرف  
 إنت بتضيع ايه من إيدك بمعصيتك دي؟؟  
 إزاي تبيع الحور العين اللي لو ضحكت ، الجنة تنور  
 من ضحكتها بشهوة دقيقة أو ساعة أو حتى سنة..؟؟  
 ◀ **قول لنفسك :**

**عيني اللي بتنظر للحرام في الدنيا**

**إزاي هتفوز بالنظر لوجه الله في الجنة؟؟!!**

**(٩) حصن نفسك بالأذكار..**

◀ الأذكار اللي بتحملك من الشيطان زي :  
 (لا إله إلا الله وحده لا شريك له له الملك وله الحمد  
 وهو على كل شئ قدير) ١٠٠ مرة صباحاً ومساءً..

**ليه تعرض نفسك لعذاب إنت منسئحملتش  
 ثانية واحدة منه؟**

◀ علشان كده .. من الوسائل المجربة والفعالة ساعة  
 ما نفسك أو الشيطان يغويك ويقولك إتفرج ؛ روح  
 جري على البوتجاز أو ولع عود كبريت وقرب إيدك  
 منه .. وقول لنفسك إنتي مش قادرة تستحملي ثانية من  
 نار الدنيا ، هتعملي ايه فى نار جهنم؟؟!

**وعلى طول لازم نذكر نفسك بالموت ..**

◀ زور المقابر وشيع جنازات ..  
 وإسمع شرايط كتير عن الموت والدار الآخرة...  
 حطهم على موبايلك .. وعلى الديسكتوب في الجهاز..  
 إكتب ورقة أو لوحة كتذكرة عن الموت وعلقها فى  
 أوضتك .. وهكذا .. وخلي شعارك دائماً ..

**[ إِنِّي أَخَافُ أَنْ عَصَيْتُ رَبِّي عَذَابَ يَوْمٍ عَظِيمٍ ]**

☑ **والحسنات الماحية** دي بتبقى حاجة إيجابية الإنسان بيعملها بدل ما يقعد ندمان و ما يعملش حاجة ، أو الشيطان يجيله و يبأسه من قدرته على التوبة .. فلما يعمل حسنات ماحية بعد الذنب والإستغفار ، هيطلع من دائرة اليأس اللي الشيطان بيحطه فيها بعد الذنب ، وفي نفس الوقت هيساعد في إن السيئات اللي عملها دي تُغفر له ، ويقل الهم و الضيق اللي هيشعر بيه بعد المعصية ..

☑ **وبالنسبة للحسنات الماحية** فهي كثيرة بحمد الله ، هنذكر بعضها بدون أن نذكر الأحاديث للإختصار :  
 ◀ قراءة القرآن ؛ كل حرف بحسنة و الحسنة بعشرة أمثالها ، و صدقة السر بتطفى غضب الرب ؛ وربنا بيضاعفها لحد ٧٠٠ ضعف أو أكثر ، والتسبيح والتحميد والتكبير والتهليل بعد كل صلاة ، والوضوء؛ تخرج معه الخطايا من كل عضو تغسله، والذهاب للمسجد ؛ مع كل خطوة تزيد حسنة وتُحط عنك سيئة، وغيرها كتبيبيبيير في ديننا و الحمد لله ..

## (١٠) الله يراك !!!

◀ ربنا .. السميع البصير .. شايفك .. ومطلع عليك ..

➔ **ليه جعلته أهون الناظرين إليك ..؟؟**

### ليبيبيبييه ؟؟

◀ هات ورقة واكتب عليها ( الله يراني ) وإزقها على الشاشة قدامك على طول .. أو هات إستيكر جاهز وإزقه.. وبإذن الله مش هتقدر تعصي ربنا كل ما تبص على الورقة دي ..

## (١١) الحسنات الماحية ..!

◀ قال الله تعالى : ( إِنَّ الْحَسَنَاتِ يُذْهِبْنَ السَّيِّئَاتِ

ذَلِكَ ذِكْرِي لِلذَّاكِرِينَ ) هود: ١١٤

◀ ومن وصايا الرسول ﷺ :

( إذا عملت سيئة فأتبعها حسنة تمحها ) صححه الألباني

« **وخليكَ متأكد إن ربنا هيقبلك** لو رجعتله تائب وإنك معاك ذنوب قد السما والأرض والدنيا كلها..  
 « **بل لو إنت تبت** وصدققت في التوبة وبدأت تعمل أعمال صالحة..ربنا هيبدل سيئاتك كلها حسنات..!!!  
 أيوه متستغربش ..لو تبت ورجعت لربنا سيئاتك هتتبدل حسنات .. قال الله تعالى : ( **إِلَّا مَنْ تَابَ وَآمَنَ وَعَمِلَ عَمَلًا صَالِحًا فَأُولَئِكَ يُبَدِّلُ اللَّهُ سَيِّئَاتِهِمْ حَسَنَاتٍ وَكَانَ اللَّهُ غَفُورًا رَحِيمًا** ) الفرقان: ٧٠

« **إوعى تياس** .. وقول يارب ارزقني الصبر..  
 النبي ﷺ قال : ( **ومن يستعفف يعفه الله ومن يستغن يغنه الله ومن يتصبر يصبره الله** ) متفق عليه  
 ♥ يعني اللي هيطلب العفة وهيحاول إنه يصبر ، ربنا هيهديه ويعفه ويرزقه الصبر ..بس زي ما قولتلك : **أصدق مع الله .. يصدقك الله ..**

## ( ١٢ ) إوعى تياس..!!

« **لأنك بشر** ..مش معصوم ..لازم هتقع ..وكل مرة هتقع فيها ؛ بعد ما تتوب لازم تكون المرة اللي بعدها أقوى ، وتعرف إيه اللي وقعك وتسد نقط ضعفك في وجه الشيطان والنفس الأمارة بالسوء..  
 الشيطان هيعدد يقولك هي مرة وتعدى،مجتث من مرة إنت كنت بتتفرج على ١٠٠ فيلم في اليوم ! وتعمل العادة السيئة ألف مرة قبل كده ..عديها المرة دي !!  
 وبعد كده مش هيسيبك..هيقولك أديك وقعت يا حلو !!  
 مفيش فائدة..إنت متقدرش تعيش من غيرها !!  
 فلابزم تكون عارف إنه مفيش حاجة اسمها ياس..!!  
 أول ما تقع ؛ إرجع لربك وجدد التوبة في لحظتها ..  
 « **إنت ماشى على روشته علاج** .. لازم تكملها للآخر علشان تجيب نتيجة .. لو أي حاجة حصلت وإنك في رحلة العلاج ؛ لازم تصبر وتكمل الدوا..!

## ❖ يا نرى هنعول لربنا ايه ؟؟؟؟ هنعذب ؟؟؟؟

للأسف مش هتقدر تكذب .. عارف ليه ؟؟

**لأن كل حاجة إنت عملتها متسجلة صوت وصورة !!**

❖ قال الله تعالى : ( هَذَا كِتَابُنَا يَنْطِقُ عَلَيْكُمْ

بِالْحَقِّ إِنَّا كُنَّا نَسْتَنْسِخُ مَا كُنْتُمْ تَعْمَلُونَ ) الجاثية: ٢٩

وقال تعالى : ( أَمْ يَحْسَبُونَ أَنَّا لَا نَسْمَعُ سِرَّهُمْ

وَنَجْوَاهُمْ بَلَىٰ وَرُسُلْنَا لَدَيْهِمْ يَكْتُبُونَ ) الزخرف: ٨٠

❖ يعني إوعى تكون فاكرك إنك طالما قفلت الباب

خلاص محدش شايفك إده كل حاجة متسجلة ومكتوبة!

والحساب هيبقى بمثقال الذرة ..يعني مفيش حاجة

هتعدي كده بالساهل ..هتتاسب على كل شئ ..

قال الله تعالى : (فَمَنْ يَعْمَلْ مِثْقَالَ ذَرَّةٍ خَيْرًا يَرَهُ \*

وَمَنْ يَعْمَلْ مِثْقَالَ ذَرَّةٍ شَرًّا يَرَهُ ) الزلزلة: ٧-٨

## خُلي بالك .. هتشهد عليك !!

❖ عايز أفكرك بنعم ربنا عليك .. وخاصة نعمة البصر

**ياترى حاسس بقيمة النعمة دي؟**

❖ ربنا خلق ناس كتير وأخذ منهم نعمة البصر ..

كام واحد أعمى شوفته ؟؟

كان ممكن تكون مكانه ! صح ؟؟

ولكن ربنا أنعم عليك بفضله ، ووهبك نعمة البصر ..

وبدل ما تشكر النعمة وتستخدمها في قراءة القرآن

والبكاء من خشية الله ، تقوم تستغلها أسوأ إستغلال !!

❖ والله لتتسأل عن النعمة دي .. إستخدمتها في إيه ؟؟

❖ قال الله تعالى : ( إِنِّ السَّمْعَ وَالْبَصَرَ وَالْفُؤَادَ كُلُّ

أُولَئِكَ كَانَ عَنْهُ مَسْئُولًا ) الإسراء: ٣٦

◀◀ وقبل ما أختم كلامي ..

**عايز أفكر بكل حد تعرفه مات..**

صاحبك ، جارك ، قريبك .. أي حد تعرفه ..

الناس دول كانوا زي أي حد فينا ..

يوم وفاتهم ، كل واحد فيهم صاحي من نومه عنده شغله وعنده أحلامه وآماله اللي نفسه يحققها ، عنده همومه وأحزانه ؛

**بس يا ترى :**

→ هل حد فيهم كان شايل هم الوقوف

بين يدي الله ..؟؟؟

→ حل حد فيهم كان شايل هم القبر

والصراط والميزان والأهوال دي كلها..؟؟؟!!

☛ **يا ترى لو رجعوا ثانی لدنيا ونصحنونا ..**

**يا ترى هيقولولنا إيه..؟؟؟!!**

☛ واللي إنت متعرفهوش ؛ إن عينك اللي إنت عمال تبص بيها علشان تمتعها ، هي اللي هتشهد عليك يوم القيامة ! قال تعالى :

**(حَتَّى إِذَا مَا جَاءُوهَا شَهِدَ عَلَيْهِمْ سَمْعُهُمْ**

**وَأَبْصَارُهُمْ وَجُلُودُهُمْ بِمَا كَانُوا يَعْمَلُونَ) فصلت: ٢٠**

◀ ياترى هيبقى موقفك إيه ساعتها لما عينك تشهد عليك وتقول على كل حاجة إنت شوفتها بيها !!؟!

**يا ترى عينك هتشهد ونقول إبييه؟؟؟**

☛ إنت بتخاف على نفسك من أي فضيحة في الدنيا ؛ ليه تعرض نفسك للفضيحة على الملائم قدام جميع الخلائق يوم القيامة ؟؟؟؟

ليه تسمع كلام الشيطان اللي هيقولك يوم القيامة إنك كنت مغفل لما سمعت كلامه ومشيت وراه..!!

◀ قال الله تعالى :

**( وَقَالَ الشَّيْطَانُ لَمَّا قُضِيَ الْأَمْرُ إِنَّ اللَّهَ وَعَدَكُمْ**

**وَعَدَّ الْحَقُّ وَوَعَدْتُكُمْ فَأَخْلَفْتُكُمْ ) إبراهيم: ٢٢**

وقال الله تعالى : **( قُلْ إِنْ الْمَوْتَ الَّذِي تَفِرُّونَ مِنْهُ فَإِنَّهُ مُلَاقِيكُمْ ثُمَّ تُرَدُّونَ إِلَىٰ عَالِمِ الْغَيْبِ وَالشَّهَادَةِ فَيُنَبِّئُكُمْ بِمَا كُنْتُمْ تَعْمَلُونَ )** الجمعة: ٨

كلنا بنهرب من الموت وبنحاول ننسى ..  
مع إن الرسول ﷺ هو اللي قال :

**( زوروا القبور فإنها تذكركم الموت )** صححه الألباني  
كلنا بنهرب من لموت ونحاول ننسى مع إننا مدركين  
تمام الإدراك إننا هيحي اليوم علينا وننزل القبر ..  
هننام على التراب بعد السرير الناعم الجميل ..  
وهنبقى أشهى وجبه للدوود بعد ما كنا مش بنرضى  
ناكل غير فى أفخم المطاعم ..

► من أول الحاجات اللي بتنفجر من جسم الإنسان  
بعد مايموت والجسم ينتفخ فى قبره ؛البطن والفرج!  
الحاجتين اللي الإنسان عاش علشانهم وأفى عمره  
يلبي لهم شهواتهم ..!!!!

## عارف هيقولولنا إيه؟؟

هيقولوا يارب نرجع بس تاني للدنيا واحنا عمرنا  
ما هنبص نظرة واحدة تاني !!!  
هيقولوا أغلى أمنية عندنا فى قبورنا إننا نرجع الدنيا  
علشان نسجد لله سجدة أو نسبح تسبيحة...!!  
هيحسدونا على كل لحظة فى عمرنا ...!!  
هيقولولنا صدق القائل :

**الناس نياما!!!!!!م.. فاذا ماتوا انتبهوا...!!**

الواحد مش بي فوق غير بعد فوات الأوان !!  
مش بينتبه غير لما يدخل قبره ويعرف فعلا حقارة  
الدنيا وأهوال الآخرة ..!!!!  
قال الله تعالى :

**( وَجَاءَتْ سَكْرَةُ الْمَوْتِ بِالْحَقِّ ذَلِكَ مَا كُنْتَ مِنْهُ  
تَحِيدُ )** ق:١٩

« ليه نعمل في نفسك كده ؟؟ »

« وياه اللي يسناهل في الدنيا دي كلها ؟؟ »

« شوفوا الحديث ده .. »

قال النبي ﷺ : ( ويؤتى بالرجل من أهل النار ، فيقول الله له : يا ابن آدم كيف وجدت منزلك ؟ فيقول أي رب شر منزل ، فيقول الله له : أتفتدي منه بطلاع الأرض ذهباً ؟ فيقول أي رب نعم ! فيقول الله له : كذبت .. قد سألتك أقل من ذلك وأيسر فلم تفعل ! فيُرد إلى النار ) صححه الألباني

[ « قد سألتك أقل من ذلك وأيسر فلم تفعل ! » ]

« مش غضل البصر كان أسهل ؟! »

« مش البعد عن الحب الحرام كان أسهل ؟! »

« مش المحافظة على الصلاة كانت أسهل ؟! »

« مش البعد عن صحبة السوء كان أسهل ؟! »

« مش ترك الأغاني والأفلام كان أسهل ؟! »

« الموت مش بعيد عني وعنك !! »

شباب المسلمين ييموتوا على إيه دلوقتي ؟!؟

على الأغاني والأفلام والإباحيات والمخدرات !!

« اللي عايز يموت على طاعة ، »

يعيش على طاعة .. »

« ربنا أمهلك كثير، وسترك كثير، وبعثتك رسائل كثير! »

بس إنت اللي قلبك إتعمى ومبقاش يشوف..!! »

« كل واحد قريبك أو زميلك مات رسالة من ربنا ليك! »

« كل حادثة شوفتها في يوم على الطريق رسالة ليك! »

« كل مرض جالك ولو نزلة برد رسالة من ربنا ليك ! »

« كل كتيب أو إسطوانة وصلتلك رسالة من ربنا ليك! »

« بعد ده كله ؛ »

لو كملت في الطريق اللي إنت ماشي فيه ،،

يبقى إنت اللي اخترت جهنم بايديك..!! »

## شعارات في مواجهة الشهوات

♥ وأخيراً.. عايز الشعارات دي تبقى في ذهنك على طول علشان تقدر تقاوم الشهوات والفتن اللي أصبحت في كل مكان ..

① [ عينك أمانة ،هتقول لربنا ايه لما يسألك عنها ؟ ]

② [ الله معي .. الله يراني .. الله مطلع علي ]

③ [ كيف يكون عاقلاً من باع الجنة بشهوة ساعة؟ ]

④ [ كيف لعين تنظر إلى الحرام في الدنيا أن

تفوز بالنظر إلى وجه الله في الجنة؟؟؟ ]

⑤ [ إِنِّي أَخَافُ أَنْ عَصَيْتُ رَبِّي عَذَابَ يَوْمٍ عَظِيمٍ ]

أسأل الله عز وجل أن يجمعنا مع حبيبنا ﷺ في الفردوس الأعلى من الجنة .. اللهم آمين ،،

## ← ساعتها .. مش متخيل ندم الواحد

**هيبقى شكله إيه !!!؟**

«يا شباب نفوق بقى !! كل واحد يقف وقفة مع نفسه دقيقة واحدة .. يقولها إنتي موديانى على فين !!!؟»

أنا مستحملش نظرة غضب واحدة من ربنا؟!!

**كفاية بقى!!**

☑ إبكي على كل دقيقة ضاعت من عمرك وإنت بعيد عن ربنا .. وإبدأ حياة جديدة .. بقلب جديد ..

**أحلى حياة في طاعة الله**

[www.goodwayinlife.com](http://www.goodwayinlife.com)

